

晚晴簃詩匯

晚晴簃詩匯卷二十八目錄

錢陸燦

二首

計東

五首

吳兆騫

九首

王雲明

一首

魏力仁

一首

張憐

二首

李珪

一首

任繩魄

六首

李天馥

十七首

熊賜履

六首

陳廷敬

十三首

杜臻

二首

屠粹忠

四首

鄭重

一首

魏雙鳳

一首

趙嵩

二首

陳肇昌

一首

張貞生

一首

王遵訓

二首

蕭惟豫

四首

杜鎮

一首

王曰高

二首

于漣 一首

戴王縉 一首

劉果 三首

高暉 二首

吳淇 三首

林雲銘 五首

羅孫燿 二首

張一鵠 三首

侯體隨 一首

鄒祇謨 六首

魯紹連 二首

李杜 七首

白居易 七首

韓偓 二首

牛僧孺 二首

韋應物 二首

柳宗元 二首

孟郊 二首

杜荀鶴 二首

晚晴簃詩匯卷二十八

徐世昌

錢陸燦字爾弢號湘靈常熟人順治丁酉舉人

沈歸愚曰湘靈爲牧齋族子其詩不爲虞山派所縛別調獨彈戛戛自異毗陵學詩者多宗之

與袁鐸庵唐祖命方爾止張瑤星余淡心黃俞邵諸

君子集牡丹花下

前歲花時渡江去去歲吳門三月暮三度花開一度看今年恰在金陵住金陵舊是帝王都歲歲花開如畫圖此花又殿春風後朱衣王謝相傳呼一筵釀費中人產一花千人萬人眼金盤綵籃共貽贈招邀名士分折柬永和蘭亭金谷園月落檀板催金尊百尺烏絲長到地清辭豔句爭飛翻得所穠花易消歇子規嚦血栖宮闈無復天彭百獸

花王孫五勝埋香國  
花殘人散可憐春  
十處園林九處塵  
欲往城南訪耆舊  
酒徒零落空芳辰  
太史園中花百種  
紅散綠捧花頭重  
花神有意洗妝遲  
要勒詞頭固君寵  
諸公同日看花來  
鄧生酒甕還重開  
廿年無此好事者  
無詩不飲那能回酒  
醉詩成花欲語明  
歲花開待予汝  
春雨春風作主人

鸞飄鳳泊同羈旅

金陵柳枝詞

柳絲嬾嬾復蕭蕭  
三月秦淮舊板橋  
北里燒殘人又嫁  
須風雨也無聊

計東字甫草號改亭吳江人順治丁酉舉人有改亭集

詩話甫草從汪苕文游又謁湯潛庵講程朱之學以經世自負過鄴下拜謝茂秦墓傾橐金爲修葺題詩而去沈歸愚論詩絕句有云眇目山人足性靈詩盟寒後苦飄零後來誰弔荒墳者只有吳江計改亭

豫讓橋

秋盡蓬山慘不驕流泉夾岸夕陽遙傷心國士酬恩地瘦  
馬單衫豫讓橋

宣府中元夜卽事

邊月新秋夜哀音四面齊戰場多舊鬼野祭有遺黎柝亂  
愁人聽風驚倦鳥棲遙遙天漢上河鼓漸垂西

宣府逢立秋

秋氣吾所愛邊城太早寒披裘三伏慣擁被五更殘風自  
長城落天連大漠寬摩霄羨鷹隼健翮爾飛搏

鄴城弔謝茂秦山人

鄴中懷古正秋風詞賦深慚謝氏工生欲移家辭白雪沒  
隨疑冢對青楓諸王禮數何常絕七子交期竟不終自是

貴游無遠識布衣未必歎飄蓬

答雲間蔣馭閣

西陵原上憶經過屈首從君學九歌豈意邊書警御宿  
令複壁老山阿破家張儉飄零久貲保王成辛苦多今夕  
相逢還道故數聲鶴唳起庭柯

吳兆騫字漢槎吳江人順治丁酉舉人有秋笳集

詩話漢槎意氣傲岸不可一世卒以是賈禍詩爲健  
菴漁洋所稱許驚才絕艷冠其儕偶梅村目迦陵漢  
槎及華亭彭師度爲三鳳凰出塞後詩境沈雄得期  
方蒼莽之氣少工駢體其長白山賦足摩班張之壘

榆關老翁行

榆關酒樓臨大衢征人日暮行駐車鹿裘老翁鬚成雪夾  
轂相逢問里闐乍聞吳語三太息坐我樓頭話疇昔自云  
家世本吳中住近張王舊宮側少年追逐冶游場破產徵

歌意無惜沙家槍稍冠江南學得梨花推第一技成好作  
關河游販繪幾度來邊州燕姬十五芙蓉色彈箏夜夜酣  
高樓一曲紅綃醉中擲囊空典卻千金裘三載邊庭履霜  
露飄搖袒褐誰相顧途窮不忍到鄉關卻向軍中應征募  
金羈翠眊繡蝥弧名隸渡遼第三部關前上將霍將軍遣  
向松山守烽住孤城接鬪無時休鐵甲中宵帶冰卧老邊  
牆直長城隈梯衝百道如山來甯前列屯晝城閉旌旗黯  
慘紛黃埃雄邊健兒十三萬鼓聲欲死弓難開磧西降丁  
最翹健日暮分營夜催戰吁嗟萬騎無人回射盡平州鐵  
絲箭曙光曈曨海生綠戰血無聲注空谷嚴霜如刀箭如  
蝟欲上戎鞍淚交續堅城旣墮將軍降幾部殘兵向南哭  
相隨散卒臨渝城橫刀更隸龍驤營倏忽長安易朝市關

門不用防秋兵從此飄零脫軍伍種豆鋤葵學農圃且將  
衰齒託雞豚幸免微軀飼豺虎昨年有客來燕京傳道江  
南亦被兵故國他鄉盡荆棘窮黎何處還聊生伊昔姑蘇  
城畔住門前小店臨江樹半生羈戍塞垣秋夢斷吳關舊  
行處今日逢君遼水北被褐驅車欲安適白頭邊語久侏  
儻重聽鄉音涕橫臆悽惶嶺外北風哀莽莽邊沙路何極  
沽酒邀君君莫辭天涯相見且相悲莫嫌憔悴窮邊叟猶  
是吳趨市上兒

同諸公登中後所戍樓

若爲荒戍駐征輶縱目烽樓野色遙萬里川原迷大漠百  
年亭堠識前朝平沙暮捲山頭樹落日晴翻海上潮倚堞  
卻尋南首路漢關迢遞已雲霄

同陳子長坐氈帳中話吳門舊游愴然作歌

遼城四月春風來黃鸝曉樹梨花開陳生邀我郭南去笑  
騎鞍馬雙徘徊沙場黯黯日將暮半醉歸來解鞍卧氈牆  
誰撥鷓鴣絃彈作商聲淚交墮憶昨故鄉百不憂命儻嘯  
侶吳趨游裁詩每題白團扇縱酒欲賭青羔裘海棠之槧  
雲母舟美人玉袖揭箜篌金窗銀燭月未午清歌窈窕無  
時休就中少年三五輩徐郎顧子稱風流獨孤側帽傾士  
女正平搖筆凌王侯百年行樂竟誰在淒涼邊地傷離愁  
只今相對休悒悒人生苦樂猶迴掌隴西將軍因醉尉邯  
鄲才人辱廝養古來憔悴多名流吾輩何悲棄榛莽君纔  
弱冠我盛年可憐淪落俱冰天舊游一別已如雨陰關萬  
里徒含煙寄哀欲託庾信賦賞音空憶鍾期絃金樽有酒

且沈醉何須惆悵風塵前

海郎山靈湫神女歌

山頂有公  
主臺遺址

海郎山色倚巉巖山半靈湫映曉嵐公主舊臺餘翠岫女神新祠傍綠潭神女嬋娟豔瑤彩霏煙曳月迷年載怨入青蛾憶漢宮魂依白鶴長遼海含睇凝情不可親乘風颯颯如有人虛無瓊珮空山雨杳渺鸞驂絕島雲和親當日悲登隴遺恨千秋塵湏洞寶鏡何時別紫闇玉衣無處尋青冢松花檉葉小祠荒總帳無人春日長鴉翅髮垂宮樣髻虎章腰結羽人妝香粉長筵醉芳醑巫女如花下靈語踏露時聞石馬嘶騰波自共冰姨舞一曲迎神蘆管愁年年賽火海東頭望鄉莫更歌黃鶴紅粉魂歸塞雨秋

早秋陪諸公游密將山

招邀出郭門青山殊未已金鞍小騎何連翩人影遙遙翠  
微裏翠微一望延層巒深松伏澗相風湍飛泉半挂銀河  
殘秋嵐散入芙蓉寒石門黯黯金花裂隔溪蒼翠時明滅  
回風絕壁森晝陰六月空濛見殘雪西峯百尺寒崖嵬振  
衣欲上觀蓬萊黃雲泱漭動海色樓船射鯀安在哉松花  
江水流浩浩千秋戰骨關山道龍堆狼望空嗟哉飛將勳  
名歸蔓草昨夜秋風吹塞天臨潢萬樹生寒煙金笳玉笛  
起愁思邊心四據空茫然安得仙槎泛清淺乘流直度支  
機前壯士無家誰不憐李陵已向陰沙沒逢萌空稅遼東  
田君不見徽宗埋骨空江曲遺冢蒼茫走麋鹿徽宗家在五國城西  
艮岳風流亦一時黃沙玉柙無人哭萬乘飄零且復然吾  
生那更悲窮谷擊筑高歌出塞辭何如楚客吹參差眼前

有酒且不飲迢遙漫作鄉關思紫騮嚼嚙當風嘶爲君重  
進金屈卮醉卧青山且莫歸明朝秋雪吹人衣

送人歸遼東

送爾驅征馬離亭葉已飛雲山三歲別風雨一人歸磧晚  
黃羊少闢寒白雁稀蒼茫望遼海今日是王畿

游西山蘭若二十韻

四禪分浩劫雙樹啟香津地涌龍沙古宮開鹿苑新寶鈴  
流塞雨金刹照邊春窈窕丹爐合峻嶒碧嶂鄰下堂鐘送  
客歸院樹迎人仙梵消兵氣天花灑戰塵瀑泉喧月曉山  
磬靜霜晨咒食聞禽下繙經見虎馴果肥風破甲松勁雪  
生鱗座疑逢師子林應集雁臣南宗壇卓錫西竺字函銀  
香散冰天畔僧歸沙海濱嘯聲疑藥老碑製想王巾共道

城爲化誰憐里是貧白毫徒彷彿皂帽自逡巡已昧生還  
日空悲老去身神人甯夢漢逐客未歸秦涕淚瞻慈像皈  
依請梵輪祇林誰抖擲朔野此沈淪何日吳中寺長齋禮  
應真

置酒歌

臨潢城頭暮吹笛北斗闌干月將出金吾置酒坐北堂銀  
鞍召客何輝煌織成罽幕芙蓉捲紫氍新茵獸文輶黃羊  
作饌堆金盤青驪洞酒揮犀碗筵前火照明星稀凝笳急  
管紛相依錦衣如霧聲絳蔡寶刀拂露光霏微須臾月東  
吐留賓坐撾鼓還褰丹綺帷更出紅妝女金鉗曜紫貂珠  
桂襲青蛾扇底蹙素指絃上寒哀絃聲屢闋靈蚪水頻咽  
風彈青蛾扇底蹙素指絃上寒哀絃聲屢闋靈蚪水頻咽

但顧羅袖歡詎惜珠纓絕酒闌華幕坐欲移徘徊落月秋  
河低錦燈車馬縱橫去應照香塵繞路飛

白頭宮女行

長安女尼妙音者本崇禎時舊宮人後出居民間祝髮於北城之佛舍與海昌

相國居址接近嘗出入相國家述甲申三月及宮中舊事甚悉又言宮中侍姬都以青紗幕外約釵梁自遭喪亂香匱寶鉢悉爲人奪惟存青紗數幅猶昭陽故物也今年戊子余以謗議械繫都官而相國亦以他事下吏因與其嗣君直方子長相見酒酣耳熱爲言妙音予旣自傷讒枉復聞妙音之事悲紅粉之飄零感羈人之淪落乃連綴其詞作爲長歌以傳於樂府云

長安女冠頭似雪曳地黃紵懸百結手執金經淚暗垂云  
是前朝舊宮妾一朝充選入披香倭墮新梳內殿妝低鬟  
自惜青蟲小繫臂愁看絳縷長當年御極方清晏宮中屢  
啟催花宴雲母屏開見舞人水晶簾捲低歌扇歌舞年年  
樂事殊森沈寶幄挂流蘇北宮漫閱魚龍戲東絹頻臨蛟

蝶圖圖史紛披間珠翠深宮鎮日長無事鵲顧書從女史  
傳鸞雛釵向昭儀賜昭儀明豔獨承懽促坐金牀倚笑看  
燈簇九微長侍輦妝成七寶自凭闌闌前羅綺紛成列阿  
監才人幾分別玉墀草細打毬高珠箔花深吹管徹景福  
宮前細柳垂瓊軒不閉共追隨繡鐙纏鬃嬌試馬綠綿隱  
几倦彈棋春花秋月年華換掖庭寂寞腸堪斷素手繙書  
教小王紅顏對食憐同伴自從羽檄擾秦川遂使官家少  
晏眠五夜刺閨頻報警三春合殿罷開筵幾載天顏慘不  
樂中宵獨坐占芒角礮火新開內教場詔書屢下文淵閣  
閣門封事日紛紛督府潼關復覆軍幾部黃巾殘豫楚千  
羣青犢下宣雲宣雲處處名城墮倒戈自啟居庸鎖闕下  
交馳告急書殿前望斷平安火軍鋒倏忽逼神京一夜都

人已數驚內苑左貂羣揖盜團營飛騎半翻城城上弓刀  
爭內向蒼黃無復蓬萊仗獨御金鞭視九門空頒鐵券封  
諸將白馬青袍捲地來君王長歎下平臺日詔內人從避  
寇手持愛子共銜哀可憐十葉漢天子海竭山崩竟如此  
複壁甯教伏后藏佩刀自刺清河死珠傷玉碎滿曾城宮  
車無那赤龍迎猶有黃門曾殉主豈知紫闈竟屯兵自憐  
白首深宮住欲問家山渺歸路潛脫霓裳出九重卻尋月  
徑依雙樹一託香臺已十秋每談遺事自生愁室中漫禮  
金仙席夢裏還隨玉輦游惆悵生年邁陽九戒珠持徧甘  
衰朽仙家龍種尙飄零賤妾蛾眉亦何有我來故國幾沾  
翰摩挲銅狄北風酸昭陽舊侍悲通德長樂姬人識佩蘭  
從古存亡堪太息淒涼無處尋遺跡麥秀偏傷過客情柘